



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1635. usque ad annum 1643

Fleury, Claude

August. Vind. [u.a.], 1779

VD18 9011888X

§. 64. Cæsareo-Saxones ob inediaam ex Pomerania excedere coacti.

[urn:nbn:de:hbz:466:1-67406](https://nbn-resolving.org/urn:nbn:de:hbz:466:1-67406)

Sæc. XVII. A. C. 1638. ticos Rosæ Crucis fratres, ita nempe vix ulla est caussa tam mala, quæ non sui similem Patronum reperiat. VI. Abraham Gensseus, qui disputationes Synodales de abusu Missæ, tractatus de Antichristo, & omnipræsentia Dei, *cupressatum mortis ac lauretum vita* typis edidit. VII. Joannes Bogermanus annotationes contra Hugonem Grotium, & praxim pœnitentiæ seu meditationes in lapsum Davidis, publici juris fecit.

§. LXIV.

Cæsareo-Saxones ob incediam ex Pomerania excedere coacti.

Annal. Boic. Adl. part. 3. l. 23. Brachel. Hist. l. 4. Jæger. Hist. Eccl. p. 576. Cum in variis comitiis de reddenda pace frequentes haberentur consultationes, Sueci interea ex accepta nuper a Werthio clade sese colligenti spatium nacti sunt: ac præprimis Uranogelius Suecici exercitus Dux Galatium Comitem, qui cum Cæsareo milite in Rugiensem Insulam penetrare nitentur, cæsis centum quinquaginta, & octoginta captis repulit. Paulo securior fortuna arrisit Klitzingio Tribuno Brandenburgico & Vicethumio Saxoni quorum prior Garzium oppidum, alter Waremundense propugnaculum de conditione acceperant; mox tamen Sueci

novis suppetiis aucti captis Cæsareis
 ferme quingentis Garzium recupera-
 runt, ac quatuor Cæsareis, & sex Po-
 lonorum legionibus qua captis qua cæ-
 sis Malchinum urbem ceperunt, delecto
 ad interuentionem præsidio, direptisque
 diuini fortunis. Inde in Brandebur-
 gicam ditionem erumpentes, Berna-
 ræ urbis jam aliunde pestilentia depo-
 pulatæ præsidarios inopina vi oppres-
 sere, ac integris octo horis non modo
 in milites, sed & cives innoxios trucu-
 lentum in modum debachati sunt. Hor-
 rendum erat, videre expilatas, destru-
 ctasque ædes, raptas, vitiatasque Vir-
 gines & Matronas, abstractos contra-
 ctas & nefas ingenuos: Lamentabantur
 cives, experti furta, sacrilegia, latro-
 cinia necnon cruorem, ac cædes, si
 qui forte iure gentium, & naturæ de-
 fendere suas opes ausi essent. Quibus
 vero truculenti hi milites pepercerunt,
 illos lenta crudelitate variisque crucia-
 tibus ac præcipue aqua per vim ingur-
 gitata, ac fustibus violentisque compres-
 sionibus extorta ad prodendum, si quas
 pecunias scirent reconditas, adegerant,
 abactisque demum armentis, & cor-
 rupta, quam auferre non poterant, an-
 nona ipsos etiam Prædicantes per pla-
 teas fustibus bene delumbatos rapta-
 runt. Inde cum opima præda Wolga-
 stum

Sæc. XVII.
 A. C. 1638.



Sæc. XVII. A. C. 1638. stum progressi, hoc oppidum fame, & Daminum ferro ad deditioem compulere: vicissim Brandeburgici depulsi Suecis Novobergam depopulati sunt: postquam vero Bannerius partim Cæsareorum transfugiis, partim domesticis ex Suecia supplementis numero & potentia Cæsareis longe superior evaserat, Galassus exercitum suum fortunæ adversantis calamitatibus subducendum ratus, e Pomerania Havelam versus castra movit, per Regionem rebus omnibus exhaustam proficisci coactus: unde accidit, ut deficiente pabulatione jumenta, & diuturna annonæ penuria milites magno numero perirent, & Gallassus copias suas plurimum imminutas in Bohemiam reducere cogeretur; Bannerius postea Cæsareorum metu solutus, Havelburgum, & Schelungius Leuzium haud magno negotio diripuerunt, & sine hoste & armis Pomeraniam recuperarunt. Ita demum victoriæ palma, quam glorioso conamine, & copioso hostium sanguine Cæsarei priori anno plantarunt, hoc anno Principum fœderatorum tenacitate excisa fuit: cum enim hi privato commodo intenti, communem Imperii exercitum inedia premi, ac hostiles copias jamjam devictas militum defectione inde causata augeri paterentur,

Sue-

Sæc. XVII.
A. C. 1638.

Suecis ad evertendum Imperium re-
versis, temerariam hanc avaritiam mul-
tiplici dein clade luere coacti sunt.
Tantum impedit commune Religionis
et justitiæ bonum privati dispendii for-
mido, & proprii commodi aviditas.

§. LXV.

*Fausta Vinariensis Ducis expeditio
contra Cæsareos.*

Nupera clades, Rhenique litora male
custodita Vinariensem Ducem ad
Germaniam ea ex parte rursus inva-
dendam incitabant: die igitur vigesi-
ma nona Januarii ex Delspergensium
fauibus per Basileensium fines cum
valido agmine erumpit, Rhenoque
Steinam prope trajecto, Laufenburgum,
urbis Præfecto segniter resistente, nec-
non Waldshutum expugnat. Victoriæ
cursum sola Rheinfelda, arte & natura
prævalida Urbs sistere videbatur. Hanc
ergo Dux die septima Februarii toto
belli apparatu obsidet, urbique extre-
mam vim infert, fiducia successus, quam
successu meliore; Gubernator enim
tam diu, tamque invicta fortitudine
hostium impulsus repulit, ut Sabellius
Dux, Joannes de Werth, aliique Cæ-
sarei, Bavarique Duces cum copiis suis
laboranti urbi tempestive succurere pos-
sent.

*Theatr. Eu-
rop. tom.3.
pag.911.
Plafecius
pag.612.
Wassenberg
comm. bell.
Ferd. p.427.*